



05805

范忠貞公文集卷四

男時崇校字

百苦吟 自序

大地有苦海焉能溺人亦能成人吾輩負具

至性履險不渝一身之苦樂夫何足計惟是

古今正人哲士雖當顛沛憂患詠歌見志逞

逞牢騷感憤必於詩焉發之吳門嵇子留山

天下士也與予以道誼稱莫逆交生平氣節

初未嘗以境之苦樂易其心蓋予之信嵇子

亦猶嵇子之信予也癸丑秋從予入閩未數

范忠貞公文集卷四 百苦吟

月而予遭異變嵇子與三山林子能任會稽

王子幼譽華亭沈子天成同罹其難閱今兩

載餘矣嵇子於困鬱中游戲筆墨作百苦七

言絕句而三子依韻答和予讀之不禁泣然

心悲竊自歎不辰既上弗克酬

君父之恩下莫能慰蒼生之望而又累我知交如

此每一念至何以爲情故自被難時水漿不

入口者旬餘日求一死以明方寸今奄奄一

息復何心於筆墨但以諸子無辜受累率爾

勉和附錄篇末略誌一時同難之情使後人

知吾輩之詠歌各有所屬非第爲一身之苦
樂而已也予之未出苦海者惟以有負於
君有負於親而且有負於知交爲有生莫大之恨
事默默此心萬劫不磨又豈筆墨之所能罄
也哉康熙丙辰初夏三韓髡翁謹識

颶風

龍怒神嗔風雨旋蛟宮社樹舞城顛孤臣何幸數
天顧獨剩牀頭百瓦椽

瘴雨

烏雲漠漠四山橫簷溜潺潺塔水平牀底湯湯鳴

范忠貞公文集卷四 百苦吟

二

活活虛舟蕩蕩泛蓬瀛

積潦

濃陰含雨恨難收扶杖堦除數破漚滴滴心頭猶
未死驂龍拏霧舞吳鉤

炎蒸

地蒸天炙煉朱顏一寸光明鈍鐵頑任炙不焦蒸
不爛渾淪天矯碧空間

凍雪

徹夜冰魂屢暗驚乾坤何事靜無聲霏霏碎玉光
難滅馥馥寒梅味更清

連陰

鼻鼾胸脹氣如蒸
泥汗淋漓餓眼瞢
宿霧荒煙吹不斷
淒淒無語枕癯肱

霉濕

乍晴乍雨幻無邊
燥濕薰陶色相鮮
苑圃高底鋪紫氈
牀楹日夜長青錢

泥濘

霏霏雨雪幾曾休
木套縱橫踏淺流
滿眼污泥呼杲日
速舒烈焰灼盲鯢

昏黑

落日昏沈歸暮鴉
紛紛羣動月光斜
人我相泯須臾靜
時奈鄰溝叫夜蛙

味旦

雞鳴驚起索朝冠
先向慈幃問蚤安
往事已非腸斷絕
淚珠空浸枕痕丹

瞭燈

銀燈照壁繪梅根
楫拙槎枒墨鐵痕
爾莫咨嗟子影瘦
清風搖曳向天翻

屋漏

椽檁稀疎瓦不均
最宜仰臥數星辰
無端每值更

淡雨四處靈靈徒坐頻

濕地

諸葛當年入不毛
七擒七縱耀弓刀
不才悞主緣秦晉
滿屋沙泥手自淘

負暄

兀坐窗間曝曉光
須臾乾盡草頭霜
園中佇看東風面
玉樹冰珠放早香

早澡

垢膩纍堆豕負塗
徘徊難語向天吁
羞從早魃求漿水
搓箇泥丸彈小毬

蓬首

亂雲凝結九秋霜
半尺銀絲百丈光
膏沐未施媠母笑
心甘披髮豈佯狂

垢面

攬鏡驚看瘦骨微
依稀曾識又疑非
由他滿面灰塵厚
盡掬長江賴故衣

攣手

走老科場兒倒網
鷗鵬潦倒困鼷鼯
辛勤珍重屠龍手
跨海長鯨劍底鳴

繫足

被謫仙娥痛撫膺羸軀重載九層冰寂然默演周
天數枉費村牛縮赤繩

拘項

多生夙業巧還償香骨錚錚縲絏光天意若回離
貫索借纏臬獍助烝嘗

枯腸

早步青雲喪此生天人學貫亦虛名誰知靖節懸
琴意識趣何勞絃上音

淚眼

泣涕三年暗曙星星日午尚疑冥幾時一吸鯨

范忠貞公文集卷四 百苦吟

五

鮫血銀海光搖兩炬熒

聞柝

柳鈴關柝備皆空暴客翻持禦至公休笑貌貅顛
倒用從來盜憎主人翁

聽砧

春風蕩漾送秋砧四野淒其怨語淡已恨羈魂難
閉耳爭禁嫠婦碎敲心

鄰哭

天步艱難運氣屯狐狸號喊虎狼嗔旣憐我舍哀
生我又痛鄰家哭死人

風鶴

連年笑我獨含悲何事在且也皺眉佇望三山繁
草木鞞聲隱隱耀旌旗

砲警

大地崩頽海沸驚鐵龍飛舞血花生頑冥猶逞貪
痴興笑比元宵爆竹聲

齋策

愁雲黯黯墨光淡日夜城頭哀角音孤客旁皇難
夢寐繁冤吹起鬢霜侵

鞞鼓

范忠貞公文集卷四

百苦吟

六

寂靜山河三載悲觸翻雄氣向天吹漫誇晉鄙軍
聲壯虎帳曾嘗屠狗椎

笳吹

沙漠秋清響塞笳文姬漫譜寫離家蠻荒炎日鳴
螺貝蘇子題詩送落霞

吏稽

聞道狸奴點士名勸君高應莫心怍卽今預擬朝
金殿只當傳臚第一聲

卒獐

狐兔喜喜燕雀歡牛襟馬裙沐猴冠盍看溷底水

仙子出沒如何咬磨盤

晝詰

陰森淒慘久無天
鬼卒嗷嗷井底蛭
佇望三山迎曉日
犁翻蛟穴啓桑田

夜查

黑風飄墜海中間
羅刹更深檢大環
漫謝諸君能効命
助予功遂玉門關

值班

一羣纔去一羣過
橫者猙獰達者和
徐喚同儕觀後沼
霜風昨夜捲殘荷

交更

催更漏箭頗分明
狂猧偏多怒吠爭
睡早睡遲惟頃刻
自家窩裏亦無情

臭蟲

遠瞰冰肌亦可休
偏恣吮嚙逞風流
燃燈一指須臾盡
遺臭高名萬古留

蠅蝨

么膺腋胯度朝昏
世務難譚且漫捫
項直手攣難擺佈
留君幾日處殘禪

飛蠅

不住深宮警聖賢欣嘗厠穢逐腥羶白圭莫惹些
微垢塵拂高擎握老拳

遊鼠

牙鼠何堪也自雄跳梁竄瓦日當中那知衆怒終
難犯看爾臨時五技窮

聚蚊

餘血難供一飽餐徒勞歌舞未成歡貞姬寧露神
筋骨况我書生肉更酸

鬼啾

從來知有鬼神理今日忽聞鬼哭聲鬼若有靈攜

我去願偕衆鬼噉鼻睛

疫癘

肉盡皮穿心已灰驚聞難侶悉生災籲天早碎孤
臣骨留得羣英濟後來

碎衣

官衣新着舞萊衣矢報君親天下肥詎料褻子成
鬼瘦機絲片片伴花飛

破被

敗絮朝朝雪滿氈大如手掌軟如綿凌霄片片天

鵝羽笑爾蝦蟆眼自穿

砂鍋

溫羹烹茗更燒湯急急煎煎沸沸忙無異臨塲新
子弟旦生丑末一身妝

泥鑪

斂

玉屑霏霏手足^斂團中安得有烏銀生平自信如
冬日羞捧泥鑪煖凍燐

瓦盆

鄰兒長歎斂雙眉陶器如何撞鼎熏已破不須增
顧恨古人垂戒預操持

草褥

范忠貞公文集卷四 百苦吟

九

稜層榻板瘠腰臀那得溫柔稻草痕煩檢香根勤
洗濯藉予待罪大清門

敝履

當年踏遍越山川急拯民艱屐數穿閩困未蘇鳧
折羽子喬無計更朝天

破枕

漆園已覺枕難拋夜夜遊仙透露梢久擬追隨黃
鶴後梧桐月下賦敲交

篋筐

竹筐拳大漫吁嗟中貯松毛栢子芽蠻地借熏除

瘴疫還期蓬島採金花

竹刀

仙家夢授一冰桃縱不成仙亦足豪堪笑鐵圍叢
狡黠橫操竹片舞邠刀

草珠

心光早已摩尼圓不坐西方九品蓮緣係現身來
說法毘耶重覓草珠穿

油筆

三年懷握引清臆字紙參差糲飯高非是故人曾
半面獨憐向義勝緜袍

憶紙

昔曾簪筆染龍箋豈料身居弱水船欲寫新愁無
寸紙燕釵屋漏血痕鮮

憶墨

未盡灰餘亦可憎曲蟠墻角鬼神憑幾回夜半來
風雨誤認僧繇壁欲騰

憶筆

中山兔子被狼吞骨肉飄零絕五倫幸遇烏龍能
代職牢騷狂狴補天根

憶硯

不親義獻已多年
潦倒參苓典薄錢
爲惡奸雄銅雀瓦
眼前更欠綠泥磚

殘曆

將來萬有一時中
四壁蕭蕭兩腋風
留得天頒書一卷
每逢朔旦效呼嵩

炭痕

稀疎慘澹復縱橫
塗紙污墻若墨黥
月下杜鵑搖素影
一團碧血一團聲

塵灰

改歲家家塵垢飛
獄中也縛草枝揮
禁之不可憑

范忠貞公文集卷四 百苦吟

十一

伊興冷眼看他土面肥

烟眯

朦朧雙眼醒還迷
晚爨鄰烟擾坐栖
勉強扶筇出戶坐
斜陽遠隔碧峰西

乏水

江南冀北任遨遊
吸盡名泉甘露浮
閩海那知逢烈焰
惟求天雨潤枯喉

滅火

金爐灰冷亦虛供
兩耳蛛絲密密封
靜待青蛇復蜿蜒
重陰剝盡栢香濃

摘菜

菜根咬得是賢豪剔蠹搜泥自煮熬此處佳蔬滋
味別苦瓜間頓頓癩葡萄

執爨

巧婦曾愁無米炊錚錚男子痛燃眉捉襟露肘真
前鑑村女心知猶強爲

食淡

口內由來氣味清齋規人歎業全更始知上古強
兵術煮海須教淡養生

縫紵

破袴頻招風雪侵強爲兒女倒金鍼未曾乞得天
孫巧絲線纔穿指血淋

浣衣

衣絲汗煮污同塵澣濯何曾爲爾頻垢膩雖高吾
敝袴且留片段蔽羸身

粉粥

展轉無眠病葶苈餓腸雷吼鬼揶揄不知粉粥如
何味半盞姜湯勝酪酥

餽飯

餽粥三旬啖半鐺苦懷難遂豈圖生偷兒莫浪稱

周粟據我賞囊餽我羹

柳茶

嘗遍人間萬種茶龍團拋棄不爲嗟年來諳盡泥
漿味翻憶清辛嫩柳芽

劣酒

對酒悲多萬緒牽老兵勸進穩愁眠入唇不用逃
蘇晉飽諳諸方五味禪

缺藥

生平孱弱藥爲糧罹難何曾片滴嘗病不脫身命
不絕天留殘質砥愚狂

書傭

飛龍羽翼各西東顏色咲違夢寐通時有鱗鴻傳
近况拘攣疲指舞冬烘

醫匠

陳皮今已訛東尖桔梗枯枚態更織醫匠醫王憑
業口猶如牛馬呼應兼偶有病者問藥塗壁示之
故有此說

敝席

敝席久已棄泥溝風雨凋殘剩半勾徐語傍人張
後隅半遮臭氣半遮羞

箍桶

團團陡被狡童墮棄置墻隅風雨摧惜器人來一
舉手出民水火濟春臺

糞草

草莖土滓漸成堆愁鎖眉峰解不開爲諭厮童連
夜運門前高築斬蛟臺

穢廁

溷聯犴狴勢憑陵食藥纔擊穢氣騰遙計會稽青
塚上至今怒色響稜稜

溺器

藏足無頭縮頸龜夜闌晝永坐前遺從來獄卒輕

人慣燃則溺之奚足啣

惡夢

世情雲變久心傷那更連宵怪夢長劒戟如霜鐸
似雨青燐赤血滿沙場

哭友

君雖先我喪無端猶有同心痛撫棺待我斷頭歸
碧落只餘枯骨砥狂瀾

哭僕

愧我無才累汝亡兼貽同難斷愁腸英魂且莫離
余側生死相將歸故鄉

客俘

俘客何堪問客俘衣冠狼藉眼模糊可憐豚犬痴
迷甚鳳鳥摧殘飼野鳧

祭墩

廊廟新培巨棟梁却輕殿陛棄椒房多應不樂人
間世改貌希子絕覆藏

又

魚肉蒼黎困俊英婆婆娑躡踞影彭亨祝君早供三
軍爨好了從前無限情

吞蠱

范忠貞公文集卷四 百苦吟

十五

蜈蚣一毒舌根長不救斯須命卽亡今旣入腸湯
沃雪諸家本草謾商量

歎鼠

兩鼠跳梁上一墮地死一充猫腹

穴中兩鼠謾相將拚命超騰競墮梁縱是武安屋
瓦振青霄明月自天闔

雪異

入夏甚寒驚傳郊外大雪越數日有人
折來芙蓉雨枝光潔榮茂亦可駭也

歲前臘瑞已心驚夏日何來碎玉英蠢爾蜉蝣僵
欲死皎然孤鶴唳松清

葩妖

節候輕輕移幻夢空祝融顛倒賣英雄蓮凝白雪纔

鋪粉又放芙蓉弄淺紅

祝茶

頂禮潮音掉海槎攜來一掬淨瓶芽灑添半滴枝
頭露潑滅炎天萬頃霞

煮茗

旗鎗浥露拂烟斜汲井頻將活火加遙望福堂心
供養趙州一盞綠雲花

諭僕

酸齏敗腐苦黃瓜茹淡遙聞爭自嗟一擲千金豈
爾輩何如攢聚買鹽花

范忠貞公文集卷四 百苦吟

十六

酗醉

以下三首皆諭僕之詞

中道如何頓異初顛狂傲慢蔑龍魚勸君速盼平
南詔味爽前頭縱赦除

詬詈

數代同炊義最親須知寒齒惜傷唇何如存養絲
毫力罵賊誅仇佐主人

格鬪

季春田鼠化爲駕爾輩何心反變豬痴味剛貪時
悻悻自塗污穢惹狂狙

告神

黨禍會羈先孟博直將黨論讓臯陶予今詣祭因
求死好脫無辜烈俊髦

覓炭

同人共難苦離居一夜鷓啼百陣餘獨我聲銷血
已盡強搜炭屑寄魚書

老親

生兒雖喜實憂深萬事牽纏萬里心旣痛負君復
痛死冀全忠孝費沈吟

又

伯兄舞象我方生十斛明珠掌上擎剛得宦婚情

范忠貞公文集卷四 百苦吟

七

暫愜那知垂白百無成

又

少攜三弟誦詩書綵袖雙承笑語徐兒鬢已添銀
線縷翻貽南望倚門閭

長兄

前年送弟渡桑乾話別酸辛判袂難此際滇中念
母弟仙霞哭罷望長安

蘇公

我前南邁病新痊相送悽然囑早旋世事已非休
望我三親獨賴汝身賢

允公

娶親聞汝詣金陵曾遺蒼頭荷擔簦自接維揚書
信後至今只有淚沾膺

彥公

痛汝何當我共炊祖遺全供宦中資既煩悅母兼
勞姪借券無償更費思

六弟

弱骨支離汝倍寬先違老父繼慈萱未諧伉儷緣
多病隻影斃斃急在原

病室

范忠貞公文集卷四

百苦吟

六

多病何曾解辟廬那堪泣血憶征夫支持且莫沾
牀褥兒女嗷嗷累老姑

又

夢涉荒園坐舊閨松風獵獵草萋萋相看但訝顏
非舊蓬首無言掩面啼

兩兒

莫讀詩書莫戴貂祖翁遺圃儘堪澆慙勤侍母休
頑劣共孝霜婆樂暮朝

吾宗

數年未得聚昏晨甫到都門又海濱忽被腥蛟乘

蜃氣歸來無計泣秋旻

又

太傅家風文正開簪纓黼黻響春雷養親教子各
從舊莫向南荒作我哀

舊遊

臨安謁 帝入長安夾路桃花一月看最是鳳城
春色麗五雲繚繞捧金鑾

感懷

磨炭和百苦恰哭屈原時細檢無可取焚之還自
疑欲寄何由寄收藏誰與持展轉勞夢寐一念百
躊躇聊比御溝葉隨流付所知代爲消烈焰了此
一番痴

梁溪稽永仁著

自敘

昔人有言蟲生蓼中胞胎悉苦子輩讀聖賢書
學經濟事不能輝煌騰達自行胸臆依附得志
者以行其道此亦無聊之極思矣迺復顛危窮
迫逼處幽羈身體髮膚空乏凍餓心志筋骨勞
苦煎熬豈天將有意大降之任耶抑人處憂患
之地而後善心生耶茫茫彼蒼莫能窮詰硜硜
一介無惡可爲意者我生不辰適逢其會歟然

范忠貞公文集卷四

百苦吟

三

運數劫火仙佛唾餘悠悠庸妄無可奈何援此
諉之於命而主持世道者不敢涉也公詩曰悞
國媿虛名子每讀此低徊者久之仁人君子之
用心誠不因艱難險阻而輟其痾瘵悲憫之素
志也春來筆墨久廢迴憶兩年親歷諸景啞然
而笑漫然爲之遂成百首用炭屑圖於四壁蓼
蟲自語其苦夫復何異同難二三子應聲而和
真情實境不假思索吟者撚鬚未斷讀者觸心
卽酸聊作患難圖繪可也三家村老撲棗打油
尚且流傳閭巷士女謳歌矧子輩之羽翼忠孝

砥礪名節者哉故於詩成而系之以引抱犢山
農識

颶風

海國年年起大風于今風勢撼蛟宮瓦飛木拔人
摧仆驚起羈魂碧落中

瘴雨

蠻烟毒霧雨傾盆濕盡炊烟火不存絕食淋漓猶
禁銅那能行乞學王孫

積潦

水深三尺釜生萊人在園中水氣埋野鷺如何飛

不起波濤平地最堪哀

炎蒸

解慍南風未可期爍膚如火烈風吹炎方豈乏清
涼境煩惱場中扇不宜

凍雪

六尺飛花是瑞胎三山盈尺作凶猜連年亂撒鵝
毛片僵煞袁安做一堆

連陰

積霧沈霾深閉扃窺天不放一痕青無端盆覆奇

男子愁鎖長空日氣冥

霉濕

作晴作雨熟梅天
江北江南氣候連
獨有海隅時序改
四時蒸透破青氈

泥濘

閩俗風光着屐紅
不教誤踏在泥中
餘生汨汨泥塗內
何日登山倚謝公

昏黑

惱人無賴值黃昏
黯黯愁雲易斷魂
晚照桑榆還在目
衡門此際逐雞豚

昧旦

每到雞鳴睡不安
五更心事半生難
起來怕見猙獰面
一枕天涯夢已殘

瞭燈

半明半滅影蒼黃
照盡單衾瘦貼牆
一卷維摩猶在手
直疑禪舍佛慈光

屋漏

滴滴牀頭似淚懸
和泥和水浸衣穿
平生爾室原無媿
不透天邊透雨邊

濕地

避乾就濕似僵魂
枕石終宵氣不溫
左臂至今成

痛痺天留右腕筆空存

負暄

幾時曝背向蓉莊背負頻年別棘長凍結鬚眉同
北地南邊如此盼朝陽

早澡

探湯未熟貯烏盆勺水人多攪易昏去垢未曾偏
惹垢羨他江漢濯冰魂

蓬首

短髮和愁共作絲鏡中搔首歎迷離憑誰櫛沐添
憔悴結髮羨閨知不知

垢面

神瘁形枯霜雪還行年四十笑顏何妨面目蒙
塵土自有光明照世間

攣手

誰云醫國補天工盡在淒涼袖手中總怕丹成飛
欲去仙人掌上受牢籠

繫足

踏透層冰不怕寒如何寸步一身難却緣愛把滄
浪濯留與風波局內看

拘頸

木吏無言虎踞憑相看頑鐵骨稜稜書生不是鴛
鴦頸空向星前扣赤繩

枯腸

左圖右史較讐年鄴架名山浩若烟此日著書無
半部腹笥搜索愧便便

淚眼

吞聲飲恨不曾乾漸覺模糊眼力酸縱有雲山難
極望管中偷把上天看

聞柝

鬧煞延門十甲牌柝聲敲斷喚巡街馬蹄猶自頻

頻過攪亂雲山徹夜懷

聽砧

年年不見有寒衣刀尺聲中歲月非戍婦至今猶
若此江南淚濕竇家機

鄰哭

白骨如山臥戰場塵羹土飯悼新亡近來巷哭多
如許只爲清明到北邙

風鶴

亂世如絲性命微驚傳消息是耶非如子聽慣齊

東語鷗鳥真忘禍福機

